


日本後紀

十三

一	二	三	四	五	六	七	八	九	十	和書門類
冊	架	函	號	類						

二七〇	一七〇	二八三九五	和書類
函	冊	號	

內閣文庫	
番號	和 28395
冊數	10 ( 4 )
函號	270 69



日本後紀卷第十三

起延曆廿四年七月盡大同元年五月

淺草文庫

左大臣正二位兼行左近衛大將臣藤原朝臣冬嗣等奉勅撰

皇統弥照天皇

桓武天皇

秋七月戊辰朔遣唐大使從四位上藤原朝臣

葛野麻呂上節刀丙子尾張國智多郡地十三

町賜中納言從三位藤原朝臣内麻呂辛巳葛

野麻呂等上唐國答信物壬午賜傳燈大法師

位常騰安暨玄賓等卅七人并三品美努摩内



日本後紀卷第十三

親王度五十九人。每人三人。已下一人已上。癸未。大宰府言。遣唐使第三船。今月四日發自肥前國松浦郡庇良嶋。指遠<sup>ヲ</sup>值嘉嶋。忽遭南風。漂著孤嶋。舩居巖間。淦水盈溢。判官正六位上三棟朝臣今嗣等脫身就岸。官私雜物不遑下收。射手數人留在舩上。纜絕舩流。不知何去者。勅使命以國信為重。舩物須人力。乃全。而今不顧公途。偏求苟存。泛舩無人。何以能濟。奉使之道。

豈其然乎。且加科責。以峻懲沮。甲申。地震。丁亥。常陸國人生部連廣成特授從八位下。以出私物。屢救貧民也。己丑。能登國言。舩一艘漂著珠洲郡。遣使檢舩上雜物。辛卯。賜親王已下參議已上及內侍唐國彩帛。各有差。壬辰。勅如聞疫癘之時。民庶相憚。不通水火。存心救療。何有死亡。父子至親。畏忌無近。隣里疎族。更復何言。亡者衆多。事在於此。宜喻取司務存匍匐。若不遵

日本後紀卷十三

一

改隨即科處。是日遣唐大使從四位上藤原朝臣葛野麻呂授從三位判官正六位上菅原朝臣清公從五位下。故副使從五位上石川朝臣道益賜從四位下。判官正六位上甘南備真人信影從五位下。道益者從三位中納言石足之孫。從五位上人成之子也。略涉書記。頗有才幹。美於風儀。卒於大唐明州。朝廷惜之。卒時年卅三。癸巳遣使奉幣於畿内名神祈雨也。甲午獻

唐國物于山天增科後田光仁原崇道早良天皇三陵八月丁酉朔山城國相樂郡白田十三町賜葛井親王カト井癸卯從五位下川原女王上道朝臣千若授正五位下。正六位上安太女王賀茂朝臣□女從六位上縣犬養宿祢淨濱文尼或圖從五位下。正六位下小槻連濱名服部三船允直古刀自從六位上朝野宿祢宅成從六位下船連志賀從七位上勝部造真上因幡國造苗取正八位

上平群黑虫。從八位下。田邊史東女外從五位下<sup>九</sup>。乙巳地震。是日請入唐求法僧寂澄於殿上。悔過讀經。寂澄獻唐國佛像<sup>十一</sup>。丁未。傳燈法師位。肆開。傳燈滿位僧景飭補供奉師<sup>十六</sup>。壬子。賜正四位上藤原朝臣產子度二人。故入唐副使贈從四位下石川朝臣道益一人。安藝國賀茂郡地五十町。賜仲野親王<sup>十</sup>。丙辰。從五位下菅原朝臣清公為大學助<sup>十一</sup>。丁巳。攝津國人外從五位下豐

山忌寸真足附于右京。近江國人正六位上林朝臣茂繼肥後國人從六位下中篠忌寸豐次等附于左京<sup>十三</sup>。己未。大納言正三位壹志濃王抗表請骸骨。優詔不許<sup>十七</sup>。癸亥。太白與鎮星見東方。常陸守從四位下紀朝臣直人卒。直人者中納言從三位麻路之孫。正五位下廣名之子也。為人溫潤。頗有文藻。歷官內外。無有毀譽。終以天命卒時五十九<sup>五</sup>。九月庚午。曲宴。賜親王以上衣。

辛未施禪師等衣壬申賜五位已上綿有差癸酉左京人永嗣王等賜姓河上真人壬午令僧寂澄於殿上行毗盧舍那法已丑傳燈大法師位常騰為少僧都從五位上百濟王聰哲為主計頭從四位下橘朝臣安麻呂為常陸守從五位下大伴宿禰真城麻呂為能登守壬辰奉授越前國小虫神從五位下出雲國造外正六位上出雲臣門起授外從五位下冬十月丁酉野

鳥飛入殿中已亥從五位上藤原朝臣繼彥為左中辨讚岐守如故從五位下多治比真人今麻呂為式部權少輔從五位下安倍朝臣犬養為大藏少輔從五位上和氣朝臣廣世為美作守式部少輔大學頭如故從四位下橘朝臣安麻呂為備前守從五位下巨勢朝臣諸成為介從五位下讚岐公千繼為權介癸卯正六位上笠臣田作千葉國造大私部直善人授外從五

位下<sup>九</sup>甲辰宴樂終日賜五位已上錢有差<sup>十</sup>丙午  
 從四位下勳三等三諸朝臣大原為備前守從  
 四位下橘朝臣安麻呂為播磨守<sup>十九</sup>甲寅授入唐  
 留學生无位粟田朝臣飽田麻呂正六位上<sup>廿</sup>乙  
 卯神祇伯從四位上多治比真人繼兄為兼右  
 兵衛督<sup>廿三</sup>戊午播磨國俘囚吉弥侯部兼麻呂吉  
 弥侯部色雄等十人配流於多禰嶋<sup>下</sup>不改野  
 心<sup>上</sup>屢違朝憲也<sup>廿五</sup>庚申佐渡國人道公全成配伊

豆國以盜官鶉也廢下總國印播郡鳥取驛埴  
 生郡山方驛香取郡真敷荒海等驛以不要也  
 授正六位上安倍朝臣真勝從五位下奉為宗  
 道天皇寫一切經其書生隨功叙位及得度<sup>廿八</sup>癸  
 亥於前殿讀經三日十一月丙寅朔制頃年之  
 間諸司諸國取進解文官人等名下或多不署  
 若情懷不穩忍而默尔為當執見各殊上下不  
 送<sup>廿九</sup>與縱使託事應被勘問則称某甲不署解文

既備負品。豈合得然。自今以後。宜令盡署。其緣病及假使等類。隨即顯注。不得令名下空。有取疑涉。丁卯。授唐人正六位上。清河忌寸斯麻呂外從五位下。己巳。山城國紀伊郡地一町賜典侍從四位下。葛井宿祢廣岐。授無位紀朝臣弟魚正五位上。無位石川朝臣伊勢子從五位下。壬申。先是伊豆國掾正六位上山田宿祢豐濱奉使入京。至伊勢國榎撫朝明<sub>子兮</sub>二驛之間。就村

求湯。有人與之。更復煖酒相飲。其後嘔吐。至伊賀國埭。豐濱從者死。豐濱情知毒酒。勤加療治。至京。遂死。遣使左兵衛少志從六位下。紀朝臣濱公。勸之。无得。隱岐國人外從八位上。服部松守。采女外從五位下。服部美舩女等三人。賜姓<sub>十二</sub>。臣丁丑。大納言正三位兼彈正尹壹志濃王薨。詔賜從二位。壹志濃者。田原<sub>施基</sub>天皇之孫。湯原親王之第二子也。質性矜然。不護禮度。杯酌之間。



善於言笑每侍酣暢對帝道疇昔帝安之薨時  
年七十三戊寅<sup>十三</sup>停陸奧國部内海道諸郡傳馬  
以不要也庚辰<sup>十五</sup>曲宴賜次侍從已上衣相模國  
大住郡田二町賜從四位下百濟王教法甲申<sup>十九</sup>  
左京人正七位下淨村宿祢源言父賜綠表常  
照以去天平寶字四年奉使入朝幸沐息渥遂  
為皇民其後不幸永背聖世源等早為孤露无  
復取恃外祖父故從五位上淨村宿祢晋卿養

而為子依去延曆十八年三月廿二日格首露  
已訖儻有天恩无追位記自天祐之欣幸何言  
但賜姓正物國之徽章伏請改姓名為春科宿  
祢道直許之乙酉<sup>廿一</sup>遷攝津國治於江頭許之戊<sup>廿三</sup>  
子坂本親玉於殿上冠賜參議從三位坂上大  
宿祢田村麻呂大藏卿從四位上藤原朝臣園  
人少納言從五位下多朝臣入鹿等衣被甲午<sup>廿九</sup>  
攝津國人外從五位下出雲連廣貞等附于左

京十二月庚子地震壬寅公卿奏議曰伏奉綸旨營造未已黎民或弊念彼勤勞事須矜恤加以時遭災疫頗損農桑今雖有年未聞復業宜量事優矜得存濟者<sup>中</sup>臣等商量伏望取點加任丁一千二百八十一人依數停却又衛門府衛士四百人減七十人左右衛士府各六百人每減一百人隼人男女各卅人每減廿人雅樂歌女五十人減卅人仕女一百十人減廿八人停

卜部之委男女廝丁等糧又諸家封祖暫停春米交易輕貨又諸國貢調脚夫或國役五箇日或國三箇日役限不均勞逸各殊<sup>下</sup>共役二日以同苦樂<sup>中</sup>又備後國神石奴可三上惠籾<sup>カヲノ</sup>甲努世羅三谿<sup>ミヨシ</sup>三次等八郡調系相授鋤鐵又伊賀伊勢尾張近江美濃若狹越前越中丹波丹後但馬因幡播磨美作備前備中備後紀伊阿波讚岐伊豫等國殊免當年庸許之是日中納言

近衛大將從三位藤原朝臣內麻呂侍殿上有  
勅令參議右衛士督從四位下藤原朝臣緒嗣  
與參議左大辨正四位下菅野朝臣真道相論  
天下德政于時緒嗣議云方今天下所苦軍事  
與造作也停此兩事百姓安之真道確執異議  
不肯聽焉帝善緒嗣議即從停廢有識聞之莫  
不感歎癸卯免淡路國浪人今年調庸乙巳廢  
造宮職己酉施賜僧并宿侍五位以上大袍從

五位下文室真人長谷為周防守庚戌從五位  
下和朝臣建男為近江介從五位下藤原朝臣  
友人為播磨權介甲寅從五位下岳田王為甲  
斐守外從五位下紀朝臣廣河為阿波介乙卯  
甲斐國巨麻郡弓削社預官社以有靈驗也河  
內國交野郡白田二町賜仲野親王丁巳勅大  
和國畝火香山耳梨等山百姓任意伐損國吏  
寬容不加禁制自今以後莫令更然戊午山城

國乙訓郡白田一町賜大判事從五位下讚岐  
公千繼廿五庚申僧綱言延曆年中改諸國國師曰  
講師一任之後不聽輒替講說之外莫預他事  
欲能弘道教以利人也今聞或身期老死情無  
知足既倦講席何堪誨導遂使汚法墮罪背師  
弃資加以當國司等揜掌伽藍諸寺綱維趨走  
府廳此非道俗異形真鳥殊性之意伏望簡大  
智而任講師舉小識而補讀師限六年為期其

寺委寄講師然則用人之策永存媚俗之辱自  
息勅其講師年限一依來請但淺學之輩未練  
戒律年少之人時聞違犯宜簡年卅五已上心  
行已定始終不易者補之簡才用讓申官經奏  
等一同前格若有自事銜賣妄求俗舉者永從  
擯出以懲後輩如綱維受囑亦捺情論之其讀  
師者依舊用之又部內諸寺者講師國司相共  
檢校不得獨恣

大同元年春正月丙寅朔廢朝聖躬不豫也宴  
 次侍從已上於前殿賜衣庚午右京人外從五  
 位下堅部使主廣人賜姓豐宗宿祢賜大法師  
 永忠度二人僧寂澄三人治部卿四品葛原親  
 王二人壬申勅永停五位以上進裝馬壬午射  
 天子不御左京人正七位上阿倍小殿朝臣真  
 直從五位下阿倍小殿朝臣真出等賜姓阿倍  
 朝臣辛卯勅攘災植福佛教寂勝誘善利生無

如斯道但夫諸佛取以出現於世欲令一切衆  
 生悟一如之理然衆生之機或利或鈍故如來  
 之說有頓有漸取有經論取趣不同開門雖異  
 遂期菩提譬猶大醫隨病與藥設方萬殊共期  
 濟命今欲興隆佛法利樂群生允此諸業廢一  
 不可宜華嚴業二人天台業二人律業二人三  
 論業三人法相業三人分業勸催共令競學仍  
 須各依本業疏讀法華金光明二部經漢音及

訓經論之中問大義十條通五以上者乃聽得  
度縱如二業中无及第者闕置其分當年勿度  
省寮僧綱相對案記待有其人後年重度遂不  
得令彼此相奪廢絕其業若有習義殊高勿限  
漢音受戒之後皆令先必讀誦二部戒本諳案  
一卷羯摩四分律鈔更試十二條本業十條戒  
律二條通七以上者依次差任立義複講及諸  
國講師雖通本業不習戒律者莫聽任用自今

以後永為恒例癸巳從四位下藤原朝臣仲成  
為大和守從五位上百濟王鏡仁為河內守從  
五位下紀朝臣南麻呂為介兵部大輔正五位  
上藤原朝臣繼業為兼山城守從四位下和朝  
臣入鹿麻呂為伊勢守齋宮頭從五位下中臣  
丸朝臣豐國為兼介從五位下藤原朝臣真川  
為尾張守從五位下管原朝臣清公為介從五  
位下路真人年繼為參河介從五位下大枝朝

臣管麻呂為遠江守從五位下大宅真人繼成  
為駿河介中納言從三位藤原朝臣內麻呂為  
兼武藏守近衛大將如故從五位下素田真人  
并南備為介從五位上安曇宿禰廣吉為安房  
守宮內大輔從五位上藤原朝臣道雄為兼上  
總守從五位下石川朝臣道成為介右衛士佐  
從五位下田中朝臣八月麻呂為兼權介外從  
五位下千葉國造大私部直善人為大掾參議

從三位紀朝臣勝長為兼下總守左兵衛督如  
故從五位下藤原朝臣城主為介從四位下葛  
野王為常陸守主馬頭如故左兵衛權佐從五  
位下安倍朝臣益成為兼權介大內記從五位  
下平群朝臣真常為兼近江權介左衛士佐從  
五位下百濟王教俊為兼美濃守從五位上坂  
本朝臣佐太氣麻呂為信濃介侍從從四位下  
大庭王為兼上野守正四位下三嶋真人名繼

為越前守從五位下和朝臣氏繼為越後守從  
五位下紀朝臣百繼為介近衛將監如故左少  
辨從五位下藤原朝臣貞嗣為兼丹後守外從  
五位下山田造大庭為介參議右衛士督從四  
位下藤原朝臣緒嗣為兼但馬守從五位下佐  
伯宿祢清岑為介內旣頭從五位下坂上大宿  
祢石津麻呂為兼因幡介從五位下作良王為  
伯耆守從五位下大中臣朝臣全成為出雲守

從五位下安倍朝臣宅麻呂為介從五位下秋  
篠朝臣全繼為石見守從五位下藤原朝臣友  
人為播磨介中內記外從五位下出雲連廣貞  
為兼美作權掾從五位下藤原朝臣諸主為備  
中守外從五位下掃守宿祢弟足為安藝介從  
五位下紀朝臣國雄為讚岐介參議正四位下  
菅野朝臣真道為兼大宰大貳從五位下大野  
朝臣犬養為肥前守從五位下多治比真人氏



守為介從五位上高倉朝臣殿繼為肥後守從  
五位下小野朝臣木村為豐前介升九甲午勅兼前  
出舉雜稻收半倍利法令恒規不易之典延曆  
十四年改率十束利收其三下此欲民阜財用俗  
期隆泰也如聞富豪之輩競求多得貪弊之家  
俱苦不贍吏或愚闇治乖清公遂令百姓不免  
罄之倉廩徒致減損革弊之途於此為切加以  
收納官稻不免死人思彼孤遺深以矜愍自今

以後論定公廨及雜色稻出舉息利收半倍利  
死者負稻依舊免除二月丙申外從五位下秦  
宿祢都伎麻呂為少工丁酉停造官職併木工  
寮事務繁多日加史生六負合前十二負從四  
位下藤原朝臣大繼為伊勢守神祇伯從四位  
下和朝臣入鹿麻呂為兼常陸守甲辰從五位  
上多治比真人八千足為少納言從五位下安  
倍朝臣鷹野為治部少輔從五位下路真人年

繼為兵部少輔從五位下高澄真人名守為左  
京亮從五位下大中臣朝臣諸人為右京亮從  
五位下佐伯宿祢鷹成為參河介外從五位下  
豐山忌寸真足為駿河介從五位下御長真人  
仲繼為伊豆守從五位下大伴宿祢長村為安  
房守丁未<sup>十三</sup>勅准令大宰大貳是正五位上官宜  
改為從四位下官戊申<sup>十四</sup>從五位下藤原朝臣貞  
繼授從五位上己酉<sup>十五</sup>正六位上下道朝臣繼成

安都宿祢豐永授外從五位下庚戌<sup>十六</sup>參議正四  
位下藤原朝臣繩主為左大辨近衛中將如故  
正五位下御長真人廣岳為左中辨從五位上  
藤原朝臣貞嗣為右中辨丹後守如故從五位  
下石川朝臣清直為左少辨從五位下多治比  
真人今麻呂為右少辨從五位下文室真人乙  
直為左大舍人助從五位下紀朝臣岡繼為右  
大舍人助參議正四位下藤原朝臣繩主為陰

陽頭左大辨近衛中將如故從五位上和氣朝臣廣世為式部大輔大學頭美作守如故從五位下藤原朝臣永貞為少輔從五位下紀朝臣良門為大學助從五位下藤原朝臣綱繼為治部少輔從五位下大春日朝臣真成為玄蕃助從五位下乙野王為諸陵頭從五位上藤原朝臣繼彥為民部大輔從五位下大伴宿禰久米主為少輔外從五位下日下部連得足為主稅

助從四位下藤原朝臣仲成為兵部大輔從五位上藤原朝臣道雄為刑部大輔上總守如故從五位下淡海朝臣貞直為少輔從四位上藤原朝臣園人為宮内卿相摸守如故從五位上石川朝臣吉備人為大輔從五位下和朝臣男成為主殿頭外從五位下出雲連廣貞為典藥助美作權掾如故從五位下百濟王元勝為鍛冶正從五位上下毛野朝臣年繼為官奴正從

五位下藤原朝臣十引為彈正弼從三位藤原朝臣葛野麻呂為春宮大夫從五位下大伴宿祢人益為伊豆守從五位下安倍朝臣鷹野為下總介從五位下葛井宿祢豐繼為安藝介從五位下小野朝臣真野為紀伊介從五位下安倍朝臣兄雄為中衛少將從五位下平群朝臣加世麻呂為隼人正從四位下巨勢朝臣野足為左衛士督下野守如故從五位下紀朝臣真

鴨為權佐從五位下紀朝臣八原為主馬助戊

□從五位下藤原朝臣城主為典藥頭辛亥皇

太子奉獻以贈皇<sup>高志</sup>后<sup>淳和</sup>誕皇<sup>恒世</sup>孫也甲寅從三

位行皇太子傳大伴宿祢弟麻呂上表言臣幸

遇昌運見列貴班如狗伏砌于今卅有餘年遂

位昇三品職參八卿又東宮之傳忝當此選續

門華族聖恩難測願影捫躬覩顏亦甚心謂策

駑引控奉國損生授命輸誠破家耳死而今年

逮八十進退不便自悲老狼前却失據疾侵力  
衰素食責重鐘鳴漏盡骸骨願歸連石餘輝願  
東天而匿影就木危魄仰北闕而奉辭謹詣朝  
堂陳乞以聞遣中納言近衛大將從三位藤原  
朝臣內麻呂就第宣許之令奉朝請丁巳先是  
尚縫正四位下五百井女玉為令聖躬平善造  
寫藥師佛像并法華經至是功畢因屈僧卅一  
人設齋於前殿百官供奉庚申和泉國人陵戶

村主黑人賜姓村主收故從五位下箭集宿祢  
虫麻呂功田五町養老六年以刪定律令功所  
賜也依無胤子收焉三月戊寅右京人從八位  
下物部首縵麻呂賜姓高狩忌寸己卯上病大  
漸彌留召五百枝王庚辰復五百枝王本位從  
四位上冰上真人川繼藤原朝臣清岡從五位  
下辛巳勅緣延曆四年事配流之輩先已放還  
今有所思不論存亡且叙本位復大伴宿祢家

持從三位藤原朝臣小依從四位下大伴宿祢  
繼人紀朝臣白麻呂正五位上大伴宿祢真麻  
呂大伴宿祢永主從五位下林宿祢稻麻呂外  
從五位下奉為崇道天皇令諸國國分寺僧春  
秋二仲月別七日讀金剛般若經有頃天皇崩  
於正寢春秋七十皇太子哀號擗踊迷而不起  
參議從三位近衛中將坂上大宿祢田村麻呂  
春宮大夫從三位藤原朝臣葛野麻呂固請扶

下殿而遷於東廂次壘并劔櫝近衛將監從五  
位下紀朝臣繩麻呂從五位下多朝臣入鹿相  
副從之遣使固守伊勢美濃越前三國故關是  
日有血灑東宮寢殿上<sup>十八</sup>壬午中納言從三位藤  
原朝臣內麻呂率參議正四位下藤原朝臣繩  
主從四位下藤原朝臣緒嗣從四位下秋篠朝  
臣安人散位從四位上五百枝玉等奉御斂正  
三位藤原朝臣雄友從三位藤原朝臣內麻呂

藤原朝臣葛野麻呂從四位上五百枝王正四位下藤原朝臣繩主從四位上藤原朝臣園人正五位下御長真人廣岳從五位上藤原朝臣繼彥石川朝臣河主從五位下池田朝臣春野藤原朝臣永貞紀朝臣咋麻呂息長真人家成六位以下七人為御裝束司從三位藤原朝臣乙叡紀朝臣勝長從四位上吉備朝臣泉從四位下藤原朝臣仲成文室真人八太麻呂正五

位下藤原朝臣里麻呂布勢朝臣尾張麻呂從五位上淡路真人福良麻呂從五位下路真人年繼六位以下八人為山作司從五位下田口朝臣息繼田中朝臣八月麻呂六位以下六人為養役夫司從五位下安倍朝臣益成外從五位下秦宿祢都伎麻呂六位以下三人為作方相司正五位上大野朝臣直雄從五位下百濟王教俊六位以下三人為作路司發左右京五

畿内近江丹波等國夫五千人從三位藤原朝臣葛野麻呂從四位上藤原朝臣園人並為權參議癸未<sup>十九</sup>以山城國葛野郡宇太野為山陵地是日上著服用遠江質布頭巾用皂厚繒百官惣素服西北兩山有火自焚甲申<sup>廿</sup>有司言上生年及重復日並依故事停舉哀不許乙酉<sup>廿一</sup>是夜月蝕之丙戌<sup>廿二</sup>日赤無光兵庫夜鳴是夜月蝕之上謂公卿曰奄丁酷疹若寘湯火今灾青頻

見責深在予但崇德消灾著在前修内外群官勤匡治道以補不逮其近仗之甲盡從脱却其諸國關津宜停其守公卿言近仗著甲及固守關津徃古恒制不唯今日報曰大行天皇聖德弘茂海内清平有何疑貳喪服加甲非所以枕伏草土攀慕哀號者也又固絕關津令人擁滯煩民害農無深於此宜下所司咸以開通丁亥<sup>廿三</sup>行大行天皇初七齋於京下諸寺是日日赤無



光。大井比叡。小野栗栖野等山共燒。煙灰四滿。京中晝昏。上以為所定山陵地。近賀茂神。疑是神社。致灾火乎。即决卜筮。果有其祟。上曰。初卜山陵。筮從。龜不從也。今灾異頻來。可不慎歟。即自禱祈。火灾立滅。戊子<sup>廿四</sup>。新任國司。准公廨。四分之一。聽。貸官稻。未及得分。有遷代者。於後任填納。已丑<sup>廿五</sup>。先是。命取司。每日進米粥。勿進餘味。是日。群臣固請進膳。從之。癸巳<sup>廿九</sup>。令大和伊賀兩國

造行宮。為齋內<sup>布施</sup>親王歸京也。夏四月甲午朔。中納言正三位藤原朝臣雄友。舉後誅人左方中納言從三位藤原朝臣内麻呂。參議從三位坂上大宿祢田村麻呂。侍從從四位下中臣王。侍從從四位下大庭王。參議從四位下藤原朝臣緒嗣。右方權中納言從三位藤原朝臣乙叡。參議從三位紀朝臣勝長。散位從四位上五百枝王。參議正四位下藤原朝臣繩主。從四位下秋

篠朝臣安人等奉誅曰畏哉平安宮爾御座志

天皇乃天都日嗣乃御名事表恐年恐母誅白

臣未畏哉日本根子天皇乃天地乃共長久日

月乃共遠久所白將去御謚止称白久日本根

子皇統彌照尊止称白久恐年恐母誅白臣未

庚子葬於山城國紀伊郡柏原山陵天皇諱山

部天宗高紹光仁天皇之長子也前史闕而不載母

曰高野大皇太后新笠龍潛之日授從四位下歷官

侍從大學頭寶龜元年授四品二年拜中務卿

四年為皇太子天宗天皇心倦萬機慮深釋重

遂讓位于天皇初有童謡曰於保美野邇多太

仁武賀倍流野倍能佐賀伊太久那布美蘓都

知仁波阿利登毛有識者以為天皇登祚之徵

也天皇性至孝及天宗天皇崩殆不勝喪雖踰

歲時不肯釋服天皇德度高峙天姿嶷然不好

文華遠照威德自登宸極勵心政治內事興作

外攘夷狄。雖當年費。後世賴焉。辛丑。行三七齋於山陵。乙巳。從五位下大中臣朝臣真廣為神祇大副。從五位下藤原朝臣網繼為少納言。從五位下高村忌寸田使為大外記。從五位下野倍王為大監物。外從五位下下道朝臣繼成為主計助。中衛少將從五位下安倍朝臣兄雄為兼內膳權正。從五位下石川朝臣魚麻呂為左京大夫。從五位下藤原朝臣城主為下總介。右

衛士佐從五位下田中朝臣八月麻呂為兼越後守。從五位下藤原朝臣伊勢人為安藝守。丙午。右大臣神玉等上啓曰。惟天為大。運四序以授時。惟辟奉天。括三才而育物。故能據龍圖而朝萬國。握鳳紀而撫八荒。斲業於是。永隆風聲。所以自遠。大行天皇膺通三之嘉命。乘得一之昌期。籠軒昊而功成。蹠殷周而治定。奄棄率土。遡及登仙。徒仰弓劍。痛踰湯火。伏惟皇太子殿

下。稟惟獻之神姿。承元嗣之洪緒。誠孝過禮。哀慕靡追。神等遐觀。徃冊緬歷。前脩莫不俯就。弘規式慕。洪業伏乞殿下。可割荼毒。而存至公。率典章而昇寶位。裁成四海。字濟萬方。无任懇性之至。謹奉啓以聞。是日從四位下藤原朝臣緒嗣。秋篠朝臣安人授從四位上。從五位上和氣朝臣廣世。石川朝臣河主正五位下。從五位下平群朝臣真常。池田朝臣春野從五位上。並以

奉侍先帝。兼監護山陵也。丁未。无位和氣朝臣嗣子授從五位下。正五位下和氣朝臣廣世之母也。廣世請以位讓母。上愍其志。故有此授。是日參議從四位上兼行右衛士督但馬守藤原朝臣緒嗣。正五位下行侍從左兵衛佐藤原朝臣嗣業等。返上先帝所賜別勅封二百戶。即令從五位下中衛權少將兼春宮亮藤原朝臣真夏勅曰。先帝特所賞封也。不可更納。戊申。行四

七齋於佐比鳥戶崇福寺。是日遣右兵庫頭從五位下佐伯玉左衛士佐從五位下百濟王教俊等迎齋內親王於伊勢國。已酉遣使奉幣於伊勢大神宮。以齋內親王歸京也。辛亥百官重復上啓曰。夫令者隨代垂制。臨時定議。依事改張。備於權宜。謹案禮家先君崩。嗣子位定於初喪。即位既明。无疑遵行。臣等今月十三日奉啓。率迪舊章。欲申禮典。荼毒之始。不許取請。伏惟

殿下。歡情天縱。孝心自然。哀痛攀慕。抑禮不從。綸旨尚稱。令敷奏。每曰啓替之禮家。當為違失。求於人事。亦有不慥。臣等愚情。竊懷不穩。伏望改令。稱勅。使易施行。報曰。余小子未忍。即稱帝號。然卿等數有上啓。義在難違。不果窮心。唯增摧感。是日正三位藤原朝臣雄友。從三位藤原朝臣內麻呂。為大納言。從三位藤原朝臣乙叡。坂上大宿祢田村麻呂。紀朝臣勝長。為中納言。

從三位藤原朝臣葛野麻呂從四位上藤原朝臣園人為參議文章博士從五位下賀陽朝臣豐年為兼陰陽頭從三位藤原朝臣葛野麻呂為式部卿正五位上三諸朝臣綿麻呂為播磨守從五位下多朝臣入鹿從五位下藤原朝臣真雄為近衛少將從五位下安倍朝臣鷹野為衛門權佐右大辨從四位上秋篠朝臣安人為兼左衛士督從五位下紀朝臣百繼為右衛士

權佐越後介如故從四位下巨勢朝臣野足為左兵衛督下野守如故從五位下紀朝臣繩麻呂為佐從四位下藤原朝臣仲成為右兵衛督兵部大輔如故從五位下藤原朝臣山人為主馬權助甲寅從五位下安倍朝臣鷹野為少納言衛門權佐如故從三位藤原朝臣乙叡為兵部卿中納言如故近衛少將從五位下多朝臣入鹿為兼武藏權介中納言從三位坂上大宿

祢田村麻呂為兼中衛大將。乙卯行五七齋於  
大安秋篠等寺。丙辰<sup>廿三</sup>少僧都大法師勝虞大法  
師玄賓為大僧都。律師大法師如寶大法師泰  
信為少僧都。大法師永忠為律師。正六位上錦  
部足人授外從五位下。丁巳<sup>廿四</sup>攝津國住吉郡住  
吉大神奉授從一位。以遣唐使祈也。侍醫外從  
五位下出雲連廣貞為兼但馬權掾。外從五位  
下若江造家繼為典藥允。是日右大臣從二位

神王薨。詔贈正二位大臣者。田原天皇之孫。獲  
井親王之子也。天平神護三年授從五位下。及  
天宗高紹天皇登極。授從四位下。尚美弩摩內  
親王為左大舍人頭。延曆初授正四位下。除彈  
正。尹十二年授從三位。拜中納言。十五年轉大  
納言。拜右大臣。性恭謹。少文。接物淡若。雖居顯  
貴。克有終焉。時年七十。己未<sup>廿六</sup>大和國葛上郡正  
四位上高天彥神預。四時幣帛。緣吉野皇太后

願也。壬戌<sup>廿九</sup>行六七齋於崇福寺。五月甲子朔。諱  
和淳上表曰。臣聞崇高者。天理忌其滿盈。卑下者。  
神道祐其謙虛。古今之攸同。聖哲之遺訓。臣諱  
疏潤天津。分景扶木。每以冲退為心。悚懼為念。  
今陛下龍德嗣興。鴻基紹構。萬物改旦。千齡配  
長。普天率土。沐浴恩波。凡厥臣子。孰不幸甚。唯  
臣之私情。宿懷降挹。事隨宜制。當在今辰。伏願  
陛下。納臣揆分之言。許捨親王之號。矜臣竭愚

之志。垂同諸臣之姓。事君之道。無敢所隱。伏瀝  
中誠。實非外飭。无任懇歎之至。謹奉表以聞。有  
勅不許。是日正五位下和氣朝臣廣世為左中  
辨。大學頭美作守如故。從四位下吉備朝臣泉  
為式部大輔。正五位上三諸朝臣綿麻呂為侍  
從。播磨守如故。正五位上藤原朝臣繼業為兵  
部大輔。從五位上百濟王聰哲為越後守。從五  
位下安倍朝臣小笠為介。丁卯<sup>四</sup>勅。天應元年有



詔從四位上五百枝為二世王而延曆四年有  
罪降貶<sub>下</sub>依先詔為二世王<sub>上</sub>戊辰尚殿從四位  
下和朝臣家吉卒<sub>六</sub>已巳行七七御齋於寢殿是  
日勅今聞頻年不登民食惟乏雖出舉公稻而  
猶多阻飢日茲私託民間更事乞貸報償之時  
息利兼倍遂使富強之輩膏梁有餘貧弊之家  
糟糠不厭且貸正稅濟彼絕乏<sub>上</sub>須差使實錄貧  
人結保給之若有亡者令保內填其情涉愛憎

退弱進強及補填未納兼收私債者發覺之日  
必處重科待民稍給乃從停止<sub>七</sub>庚午奉讀大般  
若經於大極殿并東宮是日群臣上表曰臣等  
近誓之舊章請以昇朝位陛下不垂省納未允  
翹誠在於聖躬實雖盡美議諸允厥竊恐未安  
豈有德被无方者殉足夫之小節化覃有截者  
略皇王之宏規哉天下至大廢政至殷一日萬  
機不可暫曠伏願陛下上念社稷之重下從黎

元之望負宸臨朝凝旒布政則少大之心允睦  
遠近之情克諧國家惟寧天下幸甚臣等請擇  
良辰班示有司不勝憂惶之至謹詣闕以聞勅  
近省公卿等表請以宗社事重哀慟之情不能  
弭忘而再三敦逼曰依來請其左右京并天下  
諸國待大弼使到弼清然後釋服不得曰此飲  
宴作樂并著美服壬申三品伊豫親王為中務  
卿兼大宰帥三品諱淳和為治部卿四品葛原親

王為大藏卿三品諱嵯峨為彈正尹左京大夫從  
四位下藤原朝臣大繼為兼典藥頭從五位下  
大中臣朝臣諸人為伊勢介十癸酉散位從四位  
下粟田朝臣鷹守卒十丁丑勅備後安藝周防長  
門等國驛館本備蕃客瓦葺粉壁頃年百姓疲  
弊修造難堪或蕃客入朝者便從海路其破損  
者農閑修理但長門國驛者近臨海邊為人所  
見宜特加勞勿減前制其新造者待定樣造之

己卯從四位上五百枝王上表曰臣稟散擿之  
微質忝天潢之末流世依寵昇位非才授叨榮  
過分奉國無効喜懼交并□魂飛越臣五百枝  
往年運值長險忽放海南自悲革命永淪邊壤  
而今猥蒙恩宥重謁宸嚴萬死百生臣幸已足  
况復列昔日之周行飛故年之華蓋抃躍之至  
倍百恒情但慮葵藿之誠徒切止足之道未申  
若不自新恐黷戚族臣誠撿舊章諸王自願改

為臣姓依請聽之伏望改此皇親就彼臣氏被  
賜春原朝臣姓伏冀長沐霑澤保終吉於一門  
遠貽孫謀榮宗枝於萬葉無任懇情之至謹詣  
闕庭奉表以聞勅許之是日停諸國雜贄腹赤  
魚木蓮子等以息民肩也

日本後紀卷十三

考異

玄賓

一脫張右八行賓補古刀自右三右六古舊作

肆關

三開左四關舊作千葉國造五右八造舊違

朝憲

五本紀畧作逆委男女九右一委舊作三箇

日脫

九右三簡舊賜衣類十一左二被衣廣人三十一左

作黃

下訂據立義作十二左七立舊正五位上十三右

作下

上訂據貞嗣真據上左三貞舊作從四位下十六

下舊

文作訂上曰屈類十九左七曰卅一人卅九左七

廿供奉類十九史作事八奉正四位下作廿一右五正舊

上訂從四位上下廿一右七上舊作里麻呂右廿二

里類史作廿二左一千舊物素服廿二左

作黑類史作廿二左一千舊物素服廿二左

史初據類從五位下作廿五左七五舊越後介九廿

前一後舊作乙卯廿九左一乙卯以下十三字

左大舍人頭據卅右四左舊脫正五位上卅一右

作從據上從五位上據卅上一右七上舊作下

